


Euskal AEko ezkontzak 7.264 izan ziren 2023an, aurreko urtean baino % 7 gutxiago

2019arekin alderatuta, % 2,8ko jaitsiera izan da

Eustaten datuen arabera, 2023an 7.264 ezkontza izan ziren Euskal AEn, hau da, 2022an baino % 7 gutxiago. Euskal AEn bizi direnen ezkontzak sexu desberdineko pertsonen artean aztertuz gero, kopurua 7.022koa da, aurreko urtean baino 534 ezkontza gutxiago. 2019. urtearen aldean, ezkontzen kopuruak % 2,8 egin du behera.

Euskal AEko ezkontza-tasa ‰ 3koa da mila biztanleko, Espainiakoa eta Europar Batasunekoa baino txikiagoa (‰ 3,7 eta ‰ 4,2, hurrenez hurren). Bi datuak 2022koak dira, eskuragarri dauden azkenak.

Euskal AEko ezkontzen bilakaera motaren arabera



Iturria: Eustat. Ezkontzen estatistika


Gizon ezkongabeen ezkontzeko batez besteko adina 38 urtetik gorakoa da

Ezkontzeko adina, sexu desberdineko bikoteetan, igo egin da 2023an 2022arekin alderatuta; izan ere, gizonezko egoiliarrek 38,8 urterekin ezkondu ziren, batez beste, eta emakumezko egoiliarrek 36,8 urterekin. 2022an, zifra horiek 38,7 eta 36,7 urtekoak ziren, hurrenez hurren.

2019arekin alderatuta, ezkongabeen batez besteko adinak gora egin du, urte horretan 37,7 eta 35,7 urte izan baitziren, hurrenez hurren. Bi ezkontideen arteko adin-aldea egonkorra da, 2 urte ingurukoa.

Sexu desberdineko pertsonen ezkontzetan, jaitsi egin da senar eta emazte dibortziatuen kopurua. Aurretik dibortziatutako senarren eta emazteen ehunekoa % 14,9 eta % 15,4 izan zen, hurrenez hurren; balio hori txikiagoa da 2022koa baino senarrentzat (% 16,2) eta berdina emazteentzat (% 15,4).

Sexu desberdineko pertsonen arteko lehen ezkontzako adina Euskal AEn, sexuaren arabera



Iturria: Eustat. Ezkontzen estatistika

Euskal AEko ezkontzetatik 242 sexu bereko pertsonen ezkontzak dira, 2022an baino % 3,6 gutxiago, 251 izan baitziren. 2012tik, emakumeen arteko ezkontzak gizonen artekoak baino gehiago izan dira: 2023an, emakumeen arteko ezkontzak sexu bereko pertsonen arteko ezkontzen % 56,2 izan ziren.

Sexu bereko bikoteen ezkontzetan, 2023an, gizon egoiliar ezkongabeak 43,5 urterekin ezkondu ziren batez beste, eta emakumeak 38,1 urterekin. Bikote horietan aurretik dibortziatu diren gizonen ehunekoa % 9koa da, eta emakumeena, berriz, % 10,9koa.


2023ko 10 ezkontzatik 9 zibilak izan ziren

Ezkontza zibilak ezkontzen % 90,5 dira, hau da, 2022an baino % 0,6 gehiago. 1993an ezkontza zibilak guztien % 26,9 baino ez ziren.

Bizilekuari dagokionez, ezkontzen % 95,3 Euskal AEn izan ziren eta % 4,7 Euskal AEtik kanpo. Helmuga nagusiak Kantabria (76), Madril (54), Burgos (39) eta Nafarroa (35) dira.

Ostiraletako ezkontzak larunbatetakoak baino gehiago izan dira

Ezkontza zibilen gorakada handiaren ondorioz, 2009tik aurrera, ezkontza zibilen ia erdiak ostiraletan egin ziren, eta ezkontza erlijiosoaren beherakada handiaren ondorioz, 2017az geroztik, Euskal AEn ezkontza gehiago egin dira ostiraletan larunbatetan baino; 2023an proportzioa % 46,2koa izan da, eta % 30,3koa.



Sexu desberdineko pertsonen ezkontzen % 24,8an gutxienez ezkontideetako batek atzerriko nazionalitatea du

Ezkontideen nazionalitateari dagokionez, 1.741 ezkontzatan (ezkontza guztien % 24,8) gutxienez ezkontideetako bat atzerritarra zen; 2022an ehuneko hori % 23,3 zen. Ezkontza horien % 40,4an bi ezkontideak atzerritarrak dira; % 39,7an emaztea da atzerriko nazionalitatea duena, eta % 19,8an senarra.

Sexu desberdineko pertsonen ezkontzetan, non bi ezkontideak atzerritarrak diren, gehienek nazionalitate amerikarra dute, baina ehunekoa handiagoa da emakumeen artean (% 73) gizonen artean baino (% 68,5). Nazionalitateko bigarren kontinentea afrikarra da, gizonen % 21,6rekin eta emakumeen % 18,5ekin.

Emakumeak soilik atzerriko nazionalitatea duen ezkontzen kasuan, % 74,7 Amerikako herrialde bati dagokio (batez ere Kolonbia, Nikaragua eta Brasil), eta % 19,1 Europako nazionalitatekoa (Errumania, Errusia eta Ukraina nabarmentzen dira).

Gizona atzerriko nazionalitatea duena baino ez bada, nazionalitate hori Amerikako herrialdeen artean banatzen da (% 38,8), batez ere Kolonia eta Argentina. Europako en artean (% 33), Frantzia eta Portugal nabarmentzen dira, besteak beste. Azkenik, kasuen % 15,1ek marokoar nazionalitatea du.

Euskal AEko ezkontzak, ezkontza-hilabetearen, inskripzio-lurraldearen, bizileku-lurraldearen eta ezkontza-motaren arabera. 2019-2023

	2023		2022		2021		2020		2019	
	KOP	KOP	Gehikuntza (%) 2023/2022	KOP	Gehikuntza (%) 2023/2021	KOP	Gehikuntza (%) 2023/2020	KOP	Gehikuntza (%) 2023/2019	
Ezkontzak	7.264	7.807	-7,0	6.427	13,0	4.057	79,0	7.471	-2,8	
Ezkontza-hilabetea										
Urtarrila	281	286	-1,7	286	-1,7	333	-15,6	228	23,2	
Otsaila	251	311	-19,3	247	1,6	363	-30,9	290	-13,4	
Martxoa	559	454	23,1	324	72,5	229	144,1	497	12,5	
Apirila	451	502	-10,2	404	11,6	16	2718,8	422	6,9	
Maiatza	779	774	0,6	577	35,0	89	775,3	755	3,2	
Ekaina	1.063	1.053	0,9	839	26,7	359	196,1	996	6,7	
Uztaila	981	1.203	-18,5	961	2,1	577	70,0	1.022	-4,0	
Abuztua	285	466	-38,8	342	-16,7	250	14,0	501	-43,1	
Iraila	1.092	1.094	-0,2	862	26,7	667	63,7	1.077	1,4	
Urria	683	813	-16,0	782	-12,7	583	17,2	813	-16,0	
Azaroa	495	500	-1,0	463	6,9	295	67,8	518	-4,4	
Abendua	344	351	-2,0	340	1,2	296	16,2	352	-2,3	
Inskripzio-lurraldea										
Araba / Álava	907	1.028	-11,8	908	-0,1	539	68,3	989	-8,3	
Bizkaia	3.389	3.564	-4,9	2.888	17,3	1.888	79,5	3.410	-0,6	
Gipuzkoa	2.379	2.622	-9,3	2.147	10,8	1.355	75,6	2.458	-3,2	
Euskal AEtik kanpo	589	593	-0,7	484	21,7	275	114,2	614	-4,1	
Egoitza duen lurraldea										
Araba / Álava	987	1.061	-7,0	949	4,0	546	80,8	1.014	-2,7	
Bizkaia	3.509	3.721	-5,7	2.987	17,5	1.965	78,6	3.560	-1,4	
Gipuzkoa	2.426	2.676	-9,3	2.206	10,0	1.376	76,3	2.528	-4,0	
Euskal AEtik kanpo	342	349	-2,0	285	20,0	170	101,2	369	-7,3	
Ezkontza-mota										
Sexu desberdineko pertsonen artean	7.022	7.556	-7,1	6.161	14,0	3.911	79,5	7.265	-3,3	
Gizon artean	106	107	-0,9	106	0,0	50	112,0	86	23,3	
Emakume artean	136	144	-5,6	160	-15,0	96	-15,0	120	13,3	

Data 2024ko Urriaren 10a

Iturria: Eustat, Ezkontzen Estatistika

Informazio gehiago:

Eustat - Euskal Estatistika Erakundea / Instituto Vasco de Estadística
C/ Donostia-San Sebastián, 1 01010 Vitoria-Gasteiz
Prensa-zerbitzua: servicioprensa@eustat.es Tlf: 945 01 75 62